

В СУББОТУ МЯСОПУСТНУЮ

Память совершаем всех от века усопших православных христиан, отец и братий наших.

В ПЯТОК ВЕЧЕРА

По предначинательном псалме, и обычном стихословии, на Гóсподи воззвах, поставим стихов 6: И поем Осмогласника стихиры мученичны три, рядоваго гласа:

И Триоди подобны, три. Глас 8.

Подобен: Во Едеме рай:

От вéка мёртвых днесь / всех по имени, véрою поживших благочéстно, / пáмьть сотворяюще véрнии, / Спáса и Гóспода воспойм, просяще прилэжно / сим в час судá отвéт благий дáти, / Тому́ Самому́ Бóгу нашему, / всей судящему земли, / деснаго Егó предстояния получи́ти в рáдости, / в ча́сти пра́ведных, и во святы́х жрэбии свéтлем, / и досто́йным б́ити Небéснаго Цáрствия Егó.

Твоёю крóвию челове́ки Спáсе искупивый, / и смéртию Твоёю от смéрти го́ркия избáвивый нас, / и жизнь вéчную подай нам Воскресéнием Твоим, / вся упоко́й Гóсподи, усóпшия благочéстно, / или́ в пусты́нях, или́ во градéх, или́ в мо́ри, / или́ на земли́, или́ на вся́ком мéсте: / ца́ри же, священники, архиере́и, / мона́хи, и бельцы́ в вóзрасте вся́ком всерóдном, / и сподо́би я́ Небéснаго Цáрствия Твоегó.

Из мёртвых востанием Твоим Христé, / не ктому́ смерть облада́ет умéршими благочéстно. / Тёмже мо́лимся прилэжно: / рабы́ Твоя́ упоко́й во двóрех Твоих, / и в не́драх Авраáма, от Ада́ма да́же до днесь, / послужившия Тебе́ ч́исто, / отцы́ и бра́тию нашу, / дру́ги вкúпе и срóдники, / вся́каго челове́ка, в житий послуживша véрно, / и к Тебе́ престáвльшася многов́идно и многообра́зно, Бóже, / и сподо́би я́ Небéснаго Цáрствия Твоегó.

Слава, глас 8: Плачу и рыдаю, / егда́ помышляю смерть, / и вижду во гробéх лежащую / по образу́ Бóжию создáнную нашу красоту́, / безобразну, и безсла́вну, / не имúщу ви́да. / Оле чудесé! / Что е́же о нас сиé бысть та́инство? / Ка́ко преда́хомся тлéнию? / Ка́ко припряго́хомся смéрти? / Во́истинну Бóжиим повелéнием, / я́коже есть пи́сано, / подаю́щаго престáвльшимся поко́й.

И ныне, Богородичен первый гласа. Свете тихий:

Вместо же прокимена
поем Аллилúиа, на глас 8.

Стих: Блажéни, я́же избрáл и прия́л еси́ Гóсподи, и пáмьть их в род и род.

Стих: Ду́ши их во блаѓих водворят́ся.

На стиховне мученичен гласа,
и два мертвена, Иоанна Дамаскина.

Стихи же припеваем вышереченныя: Блажéни, я́же избрáл и прия́л еси́ Гóсподи, и пáмьть их в род и род. и Ду́ши их во блаѓих водворят́ся.

Слава, глас 6: Начáток ми и состав зиждíteльное Твоé бысть повелéние: / восхотéв бо от невидимаго и в́идимаго естества́ ж́ива мя составити, / от земли́ úбо тéло созда́в, дал же ми еси́ ду́шу, / Божéственным Твоим и животворящим вдохновéнием. / Тёмже Спáсе, рабы́ Твоя́ во стране́ живы́х, / и в крóвех пра́ведных упоко́й.

И ныне, Богородичен, глас тойже: Молитвами Рóждшия Тя Христé, / мученик Твоих и апóстол, и прорóк, и святителей, / преподóбных, и праведных, и всех святых, / усóпшия рабы Твоя упокой.

Ныне отпускаеши:

Тропарь, глас 8:

Глубиною мýдрости человеколóбно вся стрóяй / и полéзное всем подаваяй, / Едино Содéтелю, упокой, Гóсподи, дýши раб Твоих, / на Тя бо упováние возложíша, / Творца и Зиждíтеля и Бóга нáшего.

Слава, и ныне, Богородичен, глас тойже: Тебé и Стéну и Пристáнище íмамы, / и Молíтвенницу благоприятну к Бóгу, / Егóже родилá еси, Богорóдице безневéстная, вёрных спасéние.

Ектения, и отпуст.

По отпущении же Вечерни, творим в притворе панихиду за усопших, и поем канон рядоваго гласа мертвым.

НА УТРЕНИ

По шестопсалмии, Аллилу́иа, на глас 8. Тропарь: Глубиною мýдрости: **Дважды. Слава, и ныне, Богородичен:** Тебé и стéну, и пристáнище: **И обычное стихословие. Чтутся же и слова о мертвых: к Коринфяном в 1-м послании. Поют же ся и Непорочны на две статьи, с припевы:** **Благословén еси Гóсподи, научи мя: на глас 5.**

И по них тропари мертвых, глас 5.

Припев: Благословén еси Гóсподи, / научи мя оправданием Твоим.

Святых лик обрете источник жизни и дверь райскую, / да обрящу и аз путь покаянием: / погýбшее овца аз есмь, / воззови мя, Спасе, и спаси мя.

Благословén еси Гóсподи, / научи мя оправданием Твоим.

А́гнца Бóжия проповéдаваше, / и заклáни бýвше якоже а́гнцы, / и к жизни нестарéемей святíи, / и присносу́щней престáвльшеся. / Того́ приле́жно мученицы молите, / долгов разрешéние нам даровáти.

Благословén еси Гóсподи, / научи мя оправданием Твоим.

В путь узкий хóждшии прискорбный, / вси в житий крест яко ярém взéмшии, / и Мне последовавшии véрою, / приидите насладíteся, / ихже уготовáх вам почестей, / и венцов небéсных.

Благословén еси Гóсподи, / научи мя оправданием Твоим.

Образ есмь неизреченныя Твоея славы, / аще и язвы ношу прегрешений: / ущедри Твое создание Влады́ко, / и очисти Твоим благоутрóбием, / и возжеленное отéчество подаждь ми, / рай паки жителя мя сотворяя.

Благословén еси Гóсподи, / научи мя оправданием Твоим.

Дрэвле úбо от не сýщих создавый мя, / и образом Твоим Божéственным почтýй, / преступлением же заповеди / паки мя возвративый в зéмлю, от неяже взят бых, / на е́же по подóбию возведи / дрéвню добрóтою возобразítися.

Благословén еси Гóсподи, / научи мя оправданием Твоим.

Упокой, Бóже, рабы Твоя, / и учини я в рай, / иде́же ли́цы святых, Гóсподи, / и праведницы сияют яко свети́ла, / усóпшия рабы Твоя упокой, / презирая их вся согрешения.

Слава: Трисіятельное единаго Божества, благочестно поём вопиюще: / Свят еси Отче Безначальный, / Собезначальный Сыне, и Божественный Дуже: / просвети нас верою Тебе служащих, / и вечнаго огня исхити.

И ныне: Радуйся Чистая, Бога плотию рождающая во спасение всех, / Еюже род человеческий обрете спасение: / Тобою да обрящем рай, / Богородице Чистая благословенная.

Аллилуиа, аллилуиа, аллилуиа, слава Тебе, Боже. Трижды.

Посем ектенія о усопших: Паки и паки:

Иерей молитву: Боже духов: **Мы же:** Господи помилуй, 40.

И по возгласе седален, глас 5:

Покой Спасе наш, / с праведными рабы Твоя, / и сия всели во дворы Твоя, / якоже есть писано: / презирая яко благ прегрешения их / вольная и невольная, / и вся яже в ведении и не в ведении, Человеколюбче.

Слава, и ныне, Богородичен: От Девы возсиявый миру Христе Боже, / и сыны света Того показавый, помилуй нас.

Стихословим же: Господеви поём:

Канон же поем святого обители на 6: И Триоди на 8. Поет же ся и вторая песнь без стихословия. И песни Псалтира. Канон Студита творение, в Троичных и Богородичных тропарех краестрочие: Недостойнаго Феодора. Глас 8.

Песнь 1.

Ирмос: Песнь возслем людие:

Вси помолимся Христу, / творяще память днесь от века мертвых, / да вечнаго огня избавит я в вере усопшия, / и надежде жизни вечныя.

Глубиною судеб Твоих Христе, / Всепремудре Ты предопределил еси / коегождо кончину жизни, предел и образ. / Темже яже покры гроб во всякой стране, / на суде спаси Всешедрый.

Пределы жизни наша давай, / темже усопшия от житейския ноши, / дне не вечерняго сыны покажи, Господи, / священники православныя, и вся верныя люди Твоя.

Яже покры вода, и брань пожат, / трус же яже объят, и убийцы убиша, / и огонь яже попали, верныя, / Милостиве в части учини праведных.

Вся презирай плотския долги наша, Спасе наш, / во всяком возрасте всего рода человека, / пред судищем Твоим постави неосуждены, / Тебе Создателю отвечающия.

Слава, Троичен: Три единаго Естества пою, Лица самоипостасная, / нерожденна Отца, Сына рождагося, и Духа Святаго: / безначальное Царство, власть, Божество едино.

И ныне, Богородичен: Войстинну Ты явилася еси небо на земли, / большее вышняго небесе, Безневестная Дево: / из Тебе бо возсия Солнце в мире, владычествуй правдою.

Катавасия: Песнь возслем людие / чудному Богу нашему, / свободившему Израиля от рабобы, / песнь победную поюще и вопиюще: / поим Тебе единому Владыце.

Песнь 2.

Ирмос: Видите видите, / яко Аз есмь Бог ваш, / прежде век рожденный от Отца, / и от Девы в последняя без мужа заченный / и разрушивый грех праотца Адама, яко Человеколюбец.

Видите видите, яко Аз есмь Бог ваш, / праведным судом водрузивый пределы жизни, / в нетление от тли приемляй вся усопшия / в надежди вечнаго воскресния.

От четырёх конёц Господи, приёмляй вёрно усóпшия, / в мóри, или на землі, или в река́х, исто́чницех, или э́зерех, / или в ровéнницех снeдь зверём б́вшися, и пт́ицам, и гaдóм, вся упоко́й.

В Твоём днѣи всѣческая Господи, / предразсудил еси, разрешшиися в составы четыре, / в пришествии Твоём собрав воскресі, / вся яже в невѣдении, и рáзуме, прощя́я тем прегрешéния.

О страшнаго Твоего втора́го, Господи, пришествия! / Зане́ яко в ви́де мóлнии на зéмлю пришéд, / воздв́игнеши все создáние Твоё судитися, / в вéре Тебé тогдá поживших, / срéтших Тя с Тобóю б́йти сподóби.

Слава, Троицен: Пресовершénная Ед́инице, Пребожéственная, Трипостáсная, / нерождénне Отче и Сýне Единорóдне, Дúше от Отца́ исходя́й, Сýном же явля́йся: / Существо́ ед́ино и Естество́, Господьство, Цáрство, спасі всех нас.

И ныне, Богородичен: Неизглаго́ланное чúдо Твоего́ Рождества́ Мáти Дéво: / како́ бо и раждáеши, и Чистá еси́ в то́мже? / Како́ Отрочá раждáеши, и не вéси иску́са мýжеска отню́д? / Якоже вeсть пáче естества́ от Менé новолéпно Сло́во Бóжие рóждшееся.

Катавасия: В́идите в́идите, я́ко Аз:

Песнь 3.

Ирмос: Утверждéй руко́ю:

Прешéдшия жити́я течéние, / в слáве благочéстной прáведным одéяться венцём сподóби, Бóже, / и вéчных благ насладитися.

Напрáсно восхищénныя, поपालя́емяя от мóлнии, / и измёрзшия мрáзом, и вся́кою рáною, / упоко́й, Бóже, егда́ огнём вся иску́сиши.

Присномúтно́е жити́я мóре препл́вшия, Христé, / в нетлénное Твоего́ жити́я сподóби пристáнище притещ́и, / правослáвным жити́ем окомлénныя.

И́хже вся́кое естество́ морсќих и птиц небéсных, / при́ят снeдéние Христé, Тво́ими судьба́ми, / воскресі, Бóже, в послéдний дeнь со слáвою.

Слава, Троицен: Умно́ Божéственную Ед́иницу, / в три Ли́ца просто купно́ еже пресе́щи совокупля́ю несекóмая: / я́коже бо скóрость мóлнии, трисия́ющая в́идится во ед́инстве.

И ныне, Богородичен: Недоумénное Твоё чúдо: без мýжа бо раждáеши, / и дéвство Твоё Ч́истая, соблюда́еши рóждши. / Тёмже áнгел мнóжество, и чeловéческий род поёт Тя во вéки.

Катавасия: Утверждéй руко́ю Твоёю, Сло́ве Бóжий, небеса́, / просвещéнием Твоего́ истиннаго познáния, / утверди́ и нас на Тя надéющихся сердца́.

Седален, глас 5:

Подобен: Собезначáльное Сло́во:

Нас рáди претерпéвый Крест и смерть, / и умертв́ивый ад, и совоскрес́ивый мёртвья, / престáвльшиися от нас, Спáсе, упоко́й, я́ко Чeловеколю́бец Бог, / и в трéпетное и стра́шное пришествие Твоё Жизнода́вче, / я́ко имéяй мнóжество м́лости, / Цáрствия Твоего́ сподóби.

Слава, тойже.

И ныне, Богородичен: Скóрый Твой покрóв, и пóмощь, и м́лость покажи́ на раб́ех Тво́их, / и вóлны Ч́истая, укроти́ сýетных помышлénий, / и па́дшую дúшу мою́ возста́ви, Богорóдице, / вем бо, вем Дéво, я́ко мóжеши, ели́ка и хóщеши.

Песнь 4.

Ирмос: Из горы́ приосенénныя:

Отцы́ и праóтцы, дéды и праде́ды, / от пёрвых и да́же до послéдних, / во благозакóнии умёршия и благовэ́рии, / вся помяни́, Спáсе наш.

В горѣ, на путѣ, на мѣстех пустѣх житіе оставльшия в вѣре, / монахи же и бельцы, / юноши и старцы, / со святыми Христе всели.

От печали и радости прешедшия ненадежно, / верою абие переменившия житіе, / в благоденствии пострадавшия, или злоденствии, / вся упокой, Спасе наш.

Яже уби мечь, и конь совосхити, / град, снег и туча умноженная, / яже удави плинфа, или персть посыпа, / Христе Спасе наш, упокой.

Слава, Троицен: Странно яко едино, и три, / Божество все по единому Лицу нераздельно: / Отец бо, Сын, и Дух Святыи есть покланяемь, яко един Бог.

И ныне, Богородичен: Направи нас Дево, молитвами Твоими, / окормляющи обуреваемая волною греха, / во спасительная пристанища, Господородительнице, / избавляющи от всяких лютых.

Катавасия: Из горы приосененныя Слове, пророк, / единья Богородицы, / хотяще воплотиться, боговидно усмотри, / и со страхом славословяще силу Твою.

Песнь 5.

Ирмос: Утренюет дух мой:

Коегождо память умерших благочестно / от века днесь творяще, Господи, / прилежно Ти вопиём: / вся упокой со святыми Твоими.

От всякаго, яже приял еси, рода и рода / в царех, в князех, или монашествующих православных, Щедре, / ~~вечнаго избави мучения.~~

Всех яже создал еси полезная ведый, / имже попустил еси Господи, внезапными паденьми ненадежно умерети, / избави муки всякия, Боже наш.

Огня присно палящаго, и от тьмы несветимья, / скрежета зубнаго, и червья безконечно мучащаго и всякаго мучения / избави, Спасе наш, вся верно умершия.

Слава, Троицен: Единопрестольная, безначальная, Триипостасная Единице, / разделением Единство, и вопротив Лицы Естество имущая, / во едино нас совокупит хотение Твоих заповедей.

И ныне, Богородичен: Паче огнезрачных серафимов явилася еси Чистая Честнейшая, / породивши сим неприступнаго Иисуса Спаса, / воплощением обожившаго земнородных смешение.

Катавасия: Утренюет дух мой к Тебе, Боже, / зане свет повеления пришествия Твоего, / имиже убо озари ум наш Владыко, / и настави на стезю жизни.

Песнь 6.

Ирмос: Содержима мя:

Смерти разрешив болезни, пострадав Начальниче жизни Боже наш, / усопшия от века рабы Твоя упокой.

Неизглаголаннными Твоими судьбами, / яже убиша чаровная напоения, отравы, костная удушения, / со святыми, Господи, упокой.

Егда судити будеши всяческим, / стоящим нагим и откровенным пред лицом Твоим, / тогда, Щедре, пощади послужившия Ти верно, Боже.

Последнею убо трубою вострубившу Твоему Архангелу, / в воскресение жизни / всех, тогда Христе, рабы Твоя упокой.

От века яже приял еси верныя, Боже, / род всякий человеческий сподоби, / во веки со служащими Тебе, славити Тя.

Слава, Троицен: Богоначалие Трисвятое, единопрестольное, / Отче, Сыне со Святым Духом, / Ты еси Бог мой, вседержительством Твоим содержи все.

И ныне, Богородичен: От корене твоего возсия цвет жизни, / Иисее протче выиграй / спасаай мир, от Чистыя Отроковицы Христос Бог.

Катавасия: Содержима мя прими Человеколюбче, грехи многими / и припадающа щедротам Твоим, / яко пророка, Господи, и спаси мя.

Кондак, глас 8:

Со святыми упокой, / Христе, / души раб Твоих, / идеже несть болезнь, ни печаль, / ни воздыхание, / но жизнь безконечная.

Икос: Сам один еси безсмертный, / сотворивый и создавый человека: / земнии убо от земли создахомся, / и в землю тужде пойдём, / якоже повелел еси, создавый мя и рекый ми: / яко земля еси, и в землю отидеши, / а може вси человецы пойдём, / надгробное рыдание, творяще песнь: / аллилуиа.

Синаксарий **первее** **Минеи,** **таже** **Триоди.**

Песнь 7.

Ирмос: В начале землю основавый:

Благочестно от века преставльшихся память творяще, вопиём: / благословен еси во веки, Господи Боже Отец наших.

Внезапу благочестно умершия, и от стремнины всяческия падшия, / дрёма, желёза, всякаго камене, / упокой, Боже, усопшия верныя.

~~В странное Твое пришествие Щедре, одесную овец Твоих постави, / православно Ти в жизни послужившия Христе, и преставльшия к Тебе.~~

В лице Христе, избранных Твоих вчини Твоя рабы, вопити Тебе: / благословен еси во веки, Господи Боже Отец наших.

От земли персть содетельствовавый, / плоть Духом оживотворивый, Спасе Щедрый, / яже приял еси, упокой Боже, в нестарёющем животё.

Слава, Троицен: Якоже трем солнцы Божество, / единым света срастворением да воспоется, / Отец, и Сын, и Божественный Дух, / один Естеством, но три Ипостасями.

И ныне, Богородичен: Давидское согласно воспеваем Ти пение, / гору Тя Божию нарицающе Дево, / в нейже вселився плотию Слово, / обоготвори нас духовно в Себе.

Катавасия: В начале землю основавый, / и небеса Слово утвердивый, / благословен еси во веки, / Господи Боже Отец наших.

Песнь 8.

Ирмос: На горе святей прославльшася:

Сокрушивый первее сень смертную, / возсияв яко солнце из гроба, / сны Воскресения Твоего сотвори, Господи славы, / вся умершия в вере, во веки.

Безвестных и сокровенных Сведетелю, / егда имаши открыти дела тмы и советы сердец наших, / тогда не истяжи слова со всеми вероу усопшими.

Егда имаши сести на престоле, и повелиши на суд предстати, / собранным трубою от конец земли, / тогда пошадь всех, Христе, яко Милостивый.

Умершим напрасно от случаев, / от клича же зельнаго и скорога течения, / зашения, удавления же, и лягания, / Господи славы, вероу усопшим ослаби во веки.

~~Благословим Отца и Сына и Святаго Духа, Господа.~~

Яко Единицу Существом пою Тя, / яко Троицу Лицы Тя чту: / Отче, и Сыне, и Душе Пресвятой, / безначальную державу Твоего Царствия славлю во веки.

И ныне и присно и во веки веков, аминь.

Богородичен: Струй живыя источник запечатлённый, показала еси Богородице Дёво: / без мужа бо Господа рождши, / безсмертия верныя напаяеши водою во веки.

Хвалим, благословим, поклоняемся Господеви, поюще и превозносяще во вся веки.

Ирмос: На горе святей прославльшася, / и в купинё огнём Приснодэвы Моисёови тайну явльшаго, / Господа пойте и превозносите во вся веки.

Песнь 9.

Ирмос: Проявлённое на горе законоположнику:

Идеже есть веселящихся жилище святых Твоих, Господи, / вся от века усобшия, в вере же и надежди радоватися сподоби.

Умершия Божиим прещением, / смертных громов всяких с небесе изнесённых, / земли разсёдшейся, морю возшумевшуся, / вся верныя, Христё, упокой.

Всякий возраст, старцы и юныя, / младенцы и дёти, и ссущия млекó, / мужское естество и женское, / упокой, Боже, яже приял еси верныя.

От ядовитых угрызений умершия, / от поглощения змиёв, от попрания коней, / и от удавления, и обещения от искренняго, / верою Ти послужившия упокой.

Коегождо по имени в вере умершия, / от века и от рода родов, / неосуждённо предстати Тебе Слове, / в пришествии Твоём сподоби.

Слава, Троицен: Единый в Троице Боже, слава Тебе непрестанно: / аще бо и Бог Кийждо, но един Естеством есть, / Отец, и Сын, и Дух, трисветлыми свойствами.

И ныне, Богородичен: Паче ума Рождество Твое: раждаеши бо прежде Сущаго, / и млеком питаеши несказанно, Пищедавца миру, / держиши же содержащаго вся, Христа единаго / Избавителя нашего, Всенепорочная.

Катавасия: Проявлённое на горе законоположнику во огни и купинё / Рождество Приснодэвы, / в наше верных спасение, / песнями немолчными величаем.

Ексапостиларий.

Подобен: Небо звездами:

Живыми и мертвыми обладай яко Бог, / упокой Твоя рабы в селениих избранных, / аще бо и согреша, Спасе, но не отступша от Тебе.

Слава: Другий.

Подобен: Жены услышите:

Упокой рабы Твоя во стране живых, Господи, / отонудуже отбеже болёзнь, печаль вкупе и воздыхание, / очисти яко Человеколюбец, яже в житии согреша, / един бо безгрешный еси и милостивый, / мертвых и живых Владыка.

И ныне, Богородичен: Марие Богоневесто, Христа непрестанно моли о нас рабах Твоих, / с богоглаголивими пророки, и мученик соборы, / иерархи же и преподобными, и всеми праведными, / снаследники быти Небеснаго Царствия.

На хвалитех стихиры, на 4, глас 8.

Подобен: Во Едеме рай:

Приидите прежде конца вси братие, / персть нашу видяще, и естества нашего немощное, / и худость нашу и конец узрим, / и органы сосуда плотнаго, / и яко прах человек, снеть червием и тление, / яко сухия кости наша всяко не имущия дыхания. / Во гробы вникнем, где слава? / Где доброта зрака? Где благоглаголивый язык? / Где брови? Или где око? / Вся прах и сень, / темже пощадй, Спасе, всех нас.

Что предьщася человек хвалася? / Что всуе смущася? / Брение и сам вмале? / Что не помышляет персть, / яко прах, смешение, и гноя и тления отложение? / Аще убо брение есмь человецы, / что прилепихомся земли? / И аще Христу есмь сродни, / что не притекаем к

Немý? / И вси отвѣргше привременную и текущую жизнь, / жизни нетленной последующе, / яже есть Христос, / просвещение душ наших.

Рукою Твоею создавший Адама, / и поставивый предел нетления и смерти, Спасе, / и жизни во благодати, / тления же переменивый, к первой преложив жизни, / Сам рабы Твоя, Владыко, яже приял еси от нас, / с праведными упокой, и в лице избранных, / и сих именá написав в книзе животней, / и воскресив во гласе архангелове, и трубы шуме, / сподоби я Небеснаго Царствия Твоего.

Христос воскресе, разрешив узы Адама первозданнаго, / и áдову разрушив крепость. / Дерзайте вси мертвии: умертвися смерть, / пленен бысть и ад с нею, / и Христос воцарися, распныйся и воскресий. / Той нам дарова нетление плоти, / Той воздвизает нас, и дарует воскресение нам, / и славы оныя с веселием вся сподобляет, / в вере непреклонной веровавция тепле в Него.

Слава, глас 2, мертвен: Яко цвет увядает, и яко сень мимо грядет, / и разрушается всякий человек. / Паки же гласящей трубе, / мертвии вси яко в трусе востанут к Твоему сретеню, Христэ Бóже, / тогда Владыко, яже преставил еси от нас, / во святых Твоих учини селениях души, Владыко, / Твоих рабов присно.

И ныне, Богородичен: Радуйся Марие Богородице, / храме неразоримый, паче же святый, / якоже вопиет пророк, / святый храм Твой, дивный в правду.

На стиховне подобны стихи, Феофана,

~~Осмогласника по гласу.~~

Слава, глас 6, Дамаскиново: Болéзнь Адаму бысть дрéва вкушением дрéвле во Едеме, / егда змий яд излева, / тем бо вниде смерть всеродная, снедающая человека. / Но пришед Владыка низложит змия, / и упокоение нам дарова, / к Немý úбо возопийм: / пощади Спасе, и яже приял еси, / со избранными Твоими упокой.

И ныне, Богородичен, глас тойже: Ты еси Бог наш вся в мудрости содеявая и совершая, / пророки послал еси, Христэ, прорещи Твое пришествие, / и апостолы, проповедати Твоя величия. / И óвии úбо прорекóша пришествие Твое, / óвии же крещением просветиша языки, / мученицы же пострадавшие, прияша яже возжелáху. / И молит Тя лик обоих, с Рóждшею Тя: / упокой, Бóже, души, яже приял еси, / и нас сподоби Царствия Твоего, / Крест претерпевый мене ради осужденнаго, / Избавителю мой и Бóже.

Благо есть исповедатися: **Трисвятое, тропарь:** Глубиною мудрости: **Слава, и ныне:** Тебе и стéну: **Присовокупляем же и первый час. И отпуст.**

НА ЛИТУРГИИ

Изобразительная, и от канона Триоди, песнь 3 и 6.

Тропарь, глас 8:

Глубиною мудрости человеколóбно вся стрóйя / и полезное всем подавая, / Едино Содетелю, упокой, Гóсподи, души раб Твоих, / на Тя бо упóвание возложиша, / Творца и Зиждителя и Бóга нашего.

Слава, кондак, глас 8: Со святыми упокой, / Христэ, / души раб Твоих, / идеже несть болéзнь, ни печаль, / ни воздыхание, / но жизнь безконечная.

И ныне, Богородичен, глас тойже: Тебе и Стéну и Пристáнище íмамы, / и Молитвенницу благоприятну к Бóгу, / Егóже родила еси, Богородице безневéстная, вёрных спасение.

~~Прокимен Апостола, глас 6:~~

Души их / во благих водворятся. **Стих:** К Тебе, Гóсподи, воздвигóх дýшу мою.

Апостол к коринфяном, зачало 146.

Братие, вся ми леть суть, но не вся на пользу: вся ми леть суть, но не вся назидают. Никтоже своего си да ищет, но еже ближняго койждо. Все, еже на торжищи продаемое, ядите, ничтоже сумняшеся, за совесть. Господня бо земля и исполнение ея. Аще ли кто от неверных призывает вы, и хотите ити, все предлагаемое вам ядите, ничтоже сумняшеся, за совесть. Аще ли же кто вам речет: сие идоложертвенно есть: не ядите за оного поведавшего, и совесть. Господня бо земля и исполнение ея.

Другий за упокой, к солуняном, зачало 270.

Братие, не хошу вас неведети о умерших, да не скорбите, якоже и прочие не имущии упования. Аще бо веруем, яко Иисус умре и воскрес, тако и Бог умершия во Иисусе приведет с Нем. Сие бо вам глаголем словом Господним, яко мы живущии, оставшии в пришествие Господне, не имамы предварити умерших. Яко Сам Господь в повелении, во гласе Архангелове и в трубе Божии снидет с небесе, и мертвии о Христе воскреснут первее. Потом же мы, живущии оставшии, купно с ними восхищени будем на облацех в сретение Господне на воздухе, и тако всегда с Господем будем.

Аллилуиа, глас 6: Блажени, яже избрал, и приял еси Господи. **Стих:** И память их в род и род.

Евангелие от Луки, зачало 105.

Рече Господь: блюдите, да не прельщени будете: мнози бо придут во имя Моё, глаголюще, яко Аз есмь, и время приближися. Не изыдите убо во след их. Егда же услышите брани и нестроения, не убойтесь: подобает бо сим быти прежде, но не у абие кончина. И будут знамения в солнце, и луне и звездах: и на земли туга языком от нечаяния, шума морскаго и возмущения, издыхающим человеком от страха и чаяния грядущих на вселенную: силы бо небесныя подвигнутся. И тогда узрят Сына Человеческа грядуща на облацех с силою и славою мною. Небо и земля мимо идет, а словеса Моя не имут преити. Внемлите же себе, да не когда отягчают сердца ваша объядением и пьянством и печальми житейскими, и найдет на вы внезапно день той. Яко сеть бо прииде на вся живущия на лицах всея земли. Бдите убо на всяко время молящися, да сподобитесь убежати всех сих хотящих быти, и стати пред Сыном Человеческим.

Другое усопшим, от Иоанна, зачало 16.

Рече Господь ко пришедшим к Немү иудеем: аминь, аминь глаголю вам, яко слушаая словесе Моего и веруая Пославшему Мя, иматъ животъ вечный, и на суд не приидет, но преидет от смерти в живот. Аминь, аминь глаголю вам, яко грядет час, и ныне есть, егда мертвии услышат глас Сына Божия, и услышавше оживут. Якоже бо Отец иматъ животъ в Себе, тако даст и Сынови животъ имети в Себе. И область даст Ему и суд творити, яко Сын Человечь есть, не дивитесь семү. Яко грядет час, вонже вси сущии во гробех услышат глас Сына Божия, и изыдут сотворшии благая в воскрешение живота, а сотворшии злая в воскрешение суда. Не могу Аз о Себе творити ничесоже. Якоже слышу, сужду, и суд Мой праведен есть, яко не ищу воли Моея, но воли пославшаго Мя Отца.

Кинодик: Блажени, яже избрал, и приял еси Господи, и память их в род и род. Аллилуиа, трижды.

Ведати же подобает, яко сие последование бывает непременно и в субботу святых Пятидесятницы.